



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Spiritus sacrae scripturae, quis sit. Cap. XLVII.

urn:nbn:de:hbz:466:1-30114

se carni sanitas. Per eos sanati sunt quotquot Deo placuerunt ab initio. Spiritus meus (iterum ait sapientia) sum mel dulcis: Spiritus viuificans, qui semper est in scripturis requirendus, litera occidente dimissa Iudeis et haereticis, ad cumulum sue excæcationis. Spiritus namque viuificat, caro & litera occidens, non prodest quicquam. Et verba Christi, recte intelligentibus, spiritus & vita sunt: Ceteris qui non acquiescunt veritati, sed consentiunt iniquitati, mensa verbi Dei, laqueus est, captiuitas, scandalum & retributio. Quia in lumine isto oculi eorum obscurantur, ne videant spiritum in eis & veritatem, & dorsum eorum, qui literæ occidenti inherent, semper magis ac magis incuruatur. Quia voluntas eorum semper ex scripturis, magis deordinatur, induratur, deprauatur.

Spiritus sacre scripturæ, quis sit. Cap. XLVII.

Es autem spiritus ille scripturæ, super mel & suum dulcior, verus, sincerus, viuificans, germanus, genuinus, intellectus eius, quem spiritus sanctus, in ea intendit, inclinat, recendit, & voluit a nobis inquiri, erui, teneri & sequi, & pro eo, si necesse foret, oppetere mortem. Illo non inuenito, non seruato, litera occidit. Sic scriptura in spiritu intellecta, sancta, iusta & bona est & ad vitam, è contra secundum literam intellecta (vt carnalium mos est, & haereticorum) est ad mortem & occidit. Spiritus ecclesia Dei habet, columna & firmamentum veritatis Catholicæ: Synagoga Satanæ, ecclesia malignantium, canes & impudici, semper foris manent in litera occidente, nec ex scripturæ lectione & prædicatione, sanantur, nec auditores eorum & discipuli, licet omnem substantiam in eo erogent, ex auditu vel lecture Matt. 9. editione librorum istorum medicorum melius habent: sed semper peiores, insolentiores, maligniores, furiosiores sunt Lue. 8. & prouiores, ut illa mulier infelix, quam sanauit Christus,

Aa 3 ex

ex medicis, nihil consolationis, sed semper peius habuit.

Verbum Dei in memoria est custodiendum.

Caput XLVIII.

A Tertiò, custodiendum est verbum Dei in memoria, per ruminatem, rememorationem, & collationem. Nisi enim verbum domini in memoria seruatum fuerit, & animalium mundorum instar, ruminatum, per re-cordationem, perit tota eius dulcedo, in momento auditionis. Hoc fecit, qui dixit: In corde meo abscondi eloquia tua, ut non peccem tibi. Hoc fecit mater agni qui tulit peccata mundi, conseruabat omnia verba quae audiuit de filio suo primogenito, & cōtulit ea in corde suo, Luc. 2. Sic vir secundū cor Dei, in iustificationibus domini, semper meditabatur. Psal. 1. & 118. Sic iustus ea quae Deus præcepit, semper cogitat, Eccī 3. Sic mulier innupta & virgo cogitat q̄ dñi sunt, ut sit sancta corpore & spiritu. Cor. 7. Verbum Dei gladius est spiritus sancti, quo nos cōtra hostes nostros defendere debemus. Hostes nostri, caro mundus & dæmonia sunt, qui nos die ac nocte impungnant, ut coronam gloriae, eis consentiendo & voluntatem eorum faciendo, nobis eripiant. Vnde ex quo iugis nobis cum tantis hostibus colluctatio est & certamē pro cælestibus, ideo gladio isto sancto nos super femur nostrum fortissimē, ac potentissimē debemus accingere, & semper esse parati: ut cum repente irruunt, possimus in die malo eis resistere, & in omnibus perfetti stare aduersus insidias eorum, & irruptiones. Hoc facimus, dum verbum Dei, gladium spiritus sancti, semper in memoria, quasi in vagina circumferimus. In æternum non obliuiscendo iustificationes & verba Dei, quia in ipsis iuificat nos, hoc est, in vita gratia conseruat, dum illud opere implemus. Vel si scelerata de-

Psal. 118.

Sap. 1.

& 16.

Ezec. 18.